



ԱՄԵՆԱՅՆ ՀԱՅՈՑ ՎԵՀԱԹԱՌ ՀԱՅՐԱՊԵՏԻ
ԾՆՈՐՀԱՎՈՐԱԿԱՆ ԳԻՐԸ ԱՄԱՆՈՐԻ ԵՎ ՍՈՒՐԲ ԾՆՆԴՅԱՆ
ՏՈՆԵՐԻ ԱՌԹՎ՝ ՌԻԴԴՎԱԾ ՀԱՅԱՍՏԱՆՅԱՅՑ ԵԿԵՂԵՑՈՒ
ՆՎԻՐԱՊԵՏԱԿԱՆ ԵՐԵՔ ԱԹՈՌՆԵՐԻՆ, ԹԵՄԱԿԱԼ ԲՈԼՈՐ
ԱՌԱՋՆՈՐԴՆԵՐԻՆ ԵՎ ԵԿԵՂԵՑԱԿԱՆ ՀԱՄԱՅՆՔՆԵՐԻՆ

«Քրիստոս ծնաւ և յայտնեցաւ»:

Այս մեծախորհուրդ պահին, երբ Նոր տարին իր հետ է բերում մեծ ավե-
տիսը մեր հոգիների Փրկչի Ծննդյան ու Հայտնության, եղբայրական սիրով
լի Մեր հալացքը ուղղում ենք դեպի ձեր պատմական Աթոռը և ձեր զինվորյալ
միաբանությունը, որ Ձեր հոգեշէն դեկավարության ներքո գործում է բարի
ներշնչումներով և ջերմ եռանդով հավատարիմ իր հոգևոր, մշակութային ու
կրթական պատմական առաքելության:

Սուրբ Ծննդյան և Աստվածահայտնության շնորհները թող առատապես
բաշխվեն ձեր Աթոռի ուխտապահ միաբաններին ու հավատացյալ ժողովրդին՝
ի փառս բազմադարյան Հայաստանյայց առաքելական սուրբ եկեղեցու:

Աղոթող ենք ճակ, որ մեր Տիրոջ խաղաղության ոգին լուսավորի աշխար-
հը համայն, և մարդիկ ու ժողովուրդներ ալո լույսի տակ ճանաչեն միմյանց
ու գործեն միասին իբրև եղբայրներ և իբրև որդիները միևնույն երկնավոր
Հոր:

«Ծնորհ, սէր ու խաղաղութիւն Տեսան մերոյ Յիսուսի Քրիստոսի եղիցին
ընդ ձեզ»։ ամեն:

Օրհնությամբ՝

ՎԱԶԳԵՆ Ա.

ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ա. ԷԶՄԻԱՍԻՆ

*
* *

Ամանորի և ս. Ծննդյան տոների առթիվ Ամենայն Հայոց Վեհապատ Հայ-
րապետի անունով ստացվեցին ամենաջերմ և հարգալից զգացմունքներով
գեղուն բազմաթիվ շնորհավորական հեռագրեր և մամակներ մեր նվիրապե-
տական երեք Աթոռների գահակալներից, արտասահմանի և ներքին մեր բո-
լոր թեմերի առաջնորդներից, ազգային-եկեղեցական, մշակութային, հայրե-
նակցական, տիկնանց, օրիորդաց և երիտասարդաց զանազան կազմակեր-
պություններից, հայ և օտար պաշտոնական անձնավորություններից:

